


《佛說無量壽經》 補充講表

◎附表三十四：以下糅合《佛說無量壽經甄解》

○癡惑於愛欲，不達於道德，迷沒於瞋怒，貪狼於財色。



○總猥憤擾，皆貪愛欲，惑道者眾，悟之者少，憤擾者，（憤，心煩也，擾，心亂也。）

※猥：鄙陋、微賤。義寂云：「言總猥者，非其事而事之，謂之總猥。謂憤擾俗事，非道人所為，而從雜之謂『總猥』也。」

※謂凡世人之所為，總是鄙猥之事，而憤鬧擾亂，貪心散亂，唯貪求愛欲，是以惑道者多，得道者少。

○愛欲榮華，不可常保，皆當別離，無可樂者。

※《大乘起信論》云：「當觀一切世間有為之法，無得久停，須臾變壞。」

※《佛說四十二章經》云：「日中一食，樹下一宿，慎勿再矣！使人愚蔽者，愛與欲也。」

※善導大師於《勸念佛偈》云：「假饒金玉滿堂，難免衰殘老病；任汝千般快樂，無常終

是到來。」

※《佛說四十二章經》云：「佛言：人懷愛欲，不見道者；譬如澄水，致手攪之，眾人共

臨，無有睹其影者。人以愛欲交錯，心中濁興，故不見道。

汝等沙門，當捨愛欲；愛欲垢盡，道可見矣！」

※《菜根譚》云：「飽後思味則濃淡之境都消，色後思姪則男女之見盡絕；故人當以事後

之悔悟，破臨事之癡迷，則性定而動無不正。」

○恩德普覆，福祿巍巍，光明徹照，達空無極，：普為一切天人之師，隨心所願，皆令得道。

※恩德等二句，總舉佛德。光明下，別以顯之。佛為法王下，結歎。

※初中佛慈平等，遍覆一切，如大雲普覆一切世界，故云：「恩德普覆」。

※福謂福佑，祿則祿位，佛萬德圓滿，福德高大，如須彌山，故云：「福祿巍巍」也。

※教授典攬，乃教人趣道也。道法訓世，名為教授；以此經典，要攬眾義，令其習學，故曰：典攬。

※教授典攬下，舉「利他」德也。夫大聖之化物也，或口自教授，令悟其理，或據經典，而令攬其義，依經解義，乃如以手攬物，故云：「典攬」。

※威制消化：佛威尊高，制伏魔外，消化邪見，制以智力，皆令降伏者。

※光明：智慧之相，是「身業」。達空無極，是智德，即當「意業」。（此二句自利德）

開入泥洹，是明教授即「口業」德。